

麗
體
金
膏

一

麗體金膏

(一)

馬俊良輯

叢書集成

初編

主編者
王雲五

商務印書館發行

本館據龍威秘書
本排印初編各叢
書僅有此本

行廚留青等集。陳陳相因。奏䟽略及條陳。殊非體要。夫喜起賡歌。權輿虞代。下及漢世。雍容揄揚。宣上德而盡忠孝。不可闕也。茲集托始拜颺。而奉揚雲樹。臺萊絮酒。俟鯖等集。以次付梓。摠曰金膏。聊資渲染。

石門馬俊良嶸山氏識

國朝麗體金膏卷一

拜颺集

擬上以董其昌字帖賜內院諸臣謝表

順治十三年

吳綺

擬浙江大兵平大蘭山土寇舟山逆賊捷報露布

吳綺

平蜀頌有序

尤侗

平滇頌有序

尤侗

康熙四十四年四月初九日皇上南巡駐蹕西湖行宮恩賜御書恭紀

章藻功

瀛臺賜宴詩序

陳維崧

進呈類函表

張英等

謁陵表

鄭王臣

四庫全書告成表進

多羅質郡王等

擬上以董其昌字帖賜內院諸臣謝表

順治十三年

吳綺

伏以紫極昭文大啓琅函之祕黃扉渥寵宏敷寶笈之華闡異代之幽光成熙朝之盛典輝騰東壁澤賁

西清臣等誠惶誠恐稽首頓首上言竊惟河洛呈圖始代結繩之政嶙峋作篆用垂勒石之文蒼頡之列三家象猶蝌蚪宣尼之題十字體創麒麟增減遞及八分神妙各傳三品然枕中得訣只傳習於專家几上揮毫未稱奇於祕閣昭陵玉匣二百幾十紙脩禊亭不落人間長壽珍函三百十七篇文選樓僅存天上用拙毫而自免幾同庭草春悲補戈法以逼真未見筆花宵燦古肥今瘦爭愛鶩以忘鷄晉畫唐摹半縈蛇而縮蚓坐魯公之池畔誰憐正氣於釵痕刻蔡氏之樓中但憫遺踪於瓦礫米顛振袖僅聞誇異於一時劉泊登牀反致貽譏於千載未有異代還叨夫真賞同官共被乎隆恩如今日者也茲蓋伏遇皇帝陛下道契昭符勳高鏤玉虞廷受籙得十六字以傳心周室迎丹撫億萬年而立極崆同訪學探妙緒於西山姑射凝神動文思於甲帳偶因萬幾之清暇旁求六藝之遺文爲先臣董其昌者地擬陸機少登翰苑遇同蘇軾老踐容臺當慶歷之時雍振鍾王之風雅墨池波濺早窺大令十三行筆陣雲橫自得長史十二述駕米芾以獨上掩文祝而前驅西蜀元亨久下門生之淚終南紫石仍留故老之踪開卷宛然嘉歎屢聞於楓簾披函爛若恩榮遂及於槐廳字珍琬琰出祕府而愈奇軸等縹緗得宸章而益煥攜來芸閣未損松鉛歸映藜窗獨高油素昔李斯云邈歷漢代而方珍逸少雖傳遇唐宗而始重以今方古寧誇飛白之頒自上及卑益重渥丹之感臣等窮非薦福博愧雕蟲慕筆諫於公權久勒正心之訓倣遺箴於太史慙無運掌之功幸際昌期恭逢雅賚榮因稽古敢比柳直顏忠遇忝同時竊附臯颺益贊伏願文放

乎奎。決取諸夫。鏤鼎繼夏禹之業。銘毫揚周武之心。以惜墨者惜財。而無朋不正。以畫沙者畫法。而有印皆同。則永越金甌。四海奉十華之帙。長熙玉燭。千秋炳八會之篇矣。臣等無任瞻天仰聖。激切屏營之至。謹奉表稱謝以聞。

擬浙江大兵平大蘭山土寇舟山逆賊捷報露布

延陵吳綺蘭次

臣聞玉弩垂芒。九地失負嵎之險。瑤階舞戚。四瀛銷吐霧之妖。日月所臨。有容光而必照。雷霆下擊。無負固而不靡。干戈揚天子之威。鐘鼓送聖人之喜。恭惟皇帝陛下。天挺英姿。神授偉略。元雲入戶。奉寶籙於丹陵。綠錯昇壇。得瑤圖於翠渚。榮露下竹葦之澤。薄桂海以敷文。蕭雲垂芝草之華。罄水天而服武。塗山禹會。已集萬國之共球。蒲版堯衢。自靜九重之樽俎。蠢茲浙寇。敢悖天常。肆虐金甌。輒奮九頭之暴。舒凶赤堇。久羈一面之誅。始猶鸞構魚書。遁蒼崖而伏莽。終則怒廻螳臂。依碧嶂而憑叢。踪幾類於黃巾。蔓欲同乎綠線。兼之背爲鸞帆。通孫恩於扈瀆。鯨身弄楫。連楊泰於鼎湖。出沒蛟門。憑陵虎巘。山倚海接。相爲犄角之形。水借陸援。用逞連拳之勢。遂使曹娥江上。估客盡棄桃枝。嚴子畝中。隱士難安桂樹。屢殊康樂。寧煩孟顗之疑。戈挺盧循。屢致王凝之變。臣等敢承廟算。廣布皇靈。方傳壘而呼。冀道揚旗之罪。乃揮戈而舞。仍矜拒轍之能。犬旣敢於吠仁。虎愈威於服猛。遂乃應變出奇。潛師制勝。躡懸車之嶺。暗搗腹心。陟束馬之巖。平分牙爪。氣衝南斗。輝煌赤劍之芒。影滅西郊。變幻元雲之陣。始於夏關之地。殲厥兇鋒。繼於

斗門之區。躡其堅壁。焚骸積阜。幾成京觀之風。殘息登高。更切守陴之哭。爰於某日。遂破大蘭山土寇某者。羊頭巨鏃。并穿袁尚之顱。龍尾神鏑。爭斷蚩尤之背。血被原而成赭。何言雁宕千尋。屍伏地而流丹。遂滿山陰萬壑。而逆賊某等。或以干城舊將。爲背地之陳豨。或以島嶼遊魂。作圖危之道覆。猶爾遷延重地。窺伺巖疆。臣等益奮天聲。嚴伸大討。乘屏翳之効靈。值馮夷之助順。樓船萬艘。還興橫海之師。戈甲千重。共合昆明之戰。鯨波夜湧。笑鼉令之浮屍。蜃氣朝昏。繫呂嘉而授首。兔方迷於入穴。鳥乃歎於焚巢。惟此舟山者。去浙水纔有兩潮。藏沃野寧惟千頃。咽喉吳越。煩廟慮者十年。襟帶閩番。結隱憂者數省。獲茲全勝。遂據要衝。凡皆遙稟乎神謀。故致奏功於師武。資其甲仗。不煩武庫之兵。藉彼餼糧。可上金城之策。斷上流之奔逸。勢若建瓴。作東越之屏藩。雄如列嶂。遠人歸化。皆言水不揚波。樵客迎仙。益見山無匿影矣。臣等無任懼忭踴躍之至。謹奉露布以聞。

平蜀頌有序

長洲尤 伺悔菴

臣聞虞階舞羽。嘗格三苗。周室橐弓。猶遷多士。維九夏之奄有。彼一隅其幾何。五丁武擔。已受秦擒。百部斯榆。旋遭漢滅。公孫躍馬。難逃建武之師。諸葛臥龍。終下征西之檄。矧茲寇狡。豈敵天威。伏惟皇帝陛下。宣作聰明。布昭神武。制度則爲章雲漢。敷納則若決江河。午朝聽政。而兵農禮樂之咸熙。乙夜觀書。而雅頌典謨之畢備。丹文綠字。廷多講藝之官。彤馬朱軒。道有懷荒之使。黃皮烏弋。梯山航海而來。紫脫華萃。

并柯共穗以獻。固已幽都陽谷。悉入版圖。孽尾昆蟲。均沾闔澤。何意鴟耆未革。鷹眼仍颺。聚娥黨以磐牙。煩羽林之擐甲。如叛賊吳三桂者。本爲亡國遊魂。竊附新朝佐命。因其倒戈而崩角。遂使裂土而苴茅。不思卵翼之恩。輒萌覬覦之志。公然抗令。肆爾稱兵。初興六詔之戎。竟踞三巴之險。碧雞金馬。忽起長鯨。鳥道蠶叢。橫行封豕。長沙青草。漸成伏莽之場。西峽黃牛。浸作負嵎之窟。乃至憑陵四塞。煽動三方。招百粵爲連鷄。引八閩爲犄角。助其跋扈。搖我邊疆。幸二豎之投誠。痛獨夫之怙亂。尙緩防風之戮。終干上帝之誅。皇帝赫斯一怒。率止四征。旣卜日以禡師。復鑿門而遣將。鬼方之克。期以三年。玃狁之攻。急於六月。頃者霍家驃騎。直抵岳陽。繼而楊僕樓船。遠通彭蠡。綸巾羽扇。一麾雲夢之煙。盧矢彤弓。大破瀟湘之竹。然而機槍未埽。妖見旄頭。車轍載馳。蠢餘螳臂。豈真夜郎自大。惟恃蜀道方難。倚劍閣之千尋。一丸可塞。擁瞿塘之三峽。百丈空牽。長封玉壘之關。陡絕連雲之棧。但思巫嶺。帝子夢遊。誰料陰山。將軍飛渡。皇帝獨持廟筭。廣集邊籌。親推矯矯之臣。密授堂堂之陣。將軍臣王進寶。三秦豪傑。重生景略之才。提督臣趙良棟。九校便宜。素具金城之策。高崇文之智略。允足驅劉王全斌之威名。雅堪馘孟李流遺孽。匹馬能驅。杜宇殘疆。尺箠可下。於是斜穿褒谷。暗渡陳倉。越大散以屯營。過七盤而埋竈。出其不意。示以無生。遂拔鰲以先登。並銜枚而疾進。或跨鹿頭之塞。徑達成都。或踰鷄首之梁。長圍閬內。旌旗所指。祇聞風行雷擊之聲。金鼓方鳴。卽見土崩瓦解之象。血流漂杵。京觀等於峨眉。骨載專車。降甲齊於熊耳。淮西雪夜。羣喧鵝

鳴之池。隴首霜天。盡復魚鳧之地。聞風聲而卻走。王衍投纆。望月影而揚鞭。吳曦受縛。三軍饒吹。新翻巴
夔之歌。百姓壺漿。爭獻郫筒之酒。錦官城上。刁斗無驚。玉女臺前。縷耒有喜。是皆皇上聲靈震疊。賞罰嚴
明。布大武之三會。殪小戎於萬里。從此過師枕席。懸戰鼓於銅崖。摧敵鴻毛。勒銘碑於鐵柱。西川父老。重
傳諭蜀之文。南詔官司。還紀平蠻之績。休哉大定。永矣丕基。臣幸侍朝班。欣聞凱奏。謹拜手稽首而作頌
曰。於鑠皇清。克配上帝。日月所照。霜露所隊。莫不尊親。凡有血氣。東漸西被。朔南訖暨。一人首出。時乘六
龍。誕敷文德。耆定武功。四方無拂。萬國攸同。乃命止戈。撤彼藩封。藩封誰何。實起莊蹻。弄兵滇池。期不奉
詔。東甌既從。南越是效。三葉連衡。私立名號。亂之初生。阻爾絕域。亂之又生。訐及四國。據我漢川。侵我江
邑。犯我秦關。蕩我楚澤。天子曰咨。聽予誓辭。小腆不靜。其要囚之。穀乃甲冑。樹乃旄旗。爰戒宗子。張皇六
師。乃伐建陽。建陽率服。乃臨番禺。番禺來屬。蕞爾蠻邦。獨竊巴蜀。愚哉尉佗。黃屋左纛。天討有罪。罪人斯
斃。渠魁既殲。羽翼猶熾。安有慶緒。史有朝義。少誠之後。尙存元濟。王用出征。如震如怒。進厥虎臣。闕如虢
虎。重以推轂。奮其執鼓。戰勝朝廷。折衝樽俎。桓桓上將。左右陳行。元戎十乘。用詢仇方。出自南鄭。底於寧
羌。棧閣既度。岷嶓是疆。大蓬小蓬。大劍小劍。地險雖設。天威何憚。萬里橋邊。千秋池畔。肉薄蟻登。腹攻魚
爛。褒斜間道。遂出龍門。巴山席捲。潼水盃吞。朱常日耀。黑甲雲屯。塵飛宵遁。響起朝奔。五嶽摧枯。千鈞壓
卵。秋籜隨風。春蛾赴火。僞帥銜刀。兇徒就鎖。束馬軍前。牽羊道左。將軍下令。不殺良民。三都萬戶。盡作王

人市廛無恙。樓櫓重新。黃童白叟。歌舞成羣。露布遙傳。一月三捷。受脤獻俘。九重嘉悅。救民水火。取殘饑渴。告於文人。銘此功烈。釐爾圭瓚。礪爾戈鋌。覃及鬼方。一統幅幘。爰開明堂。載奏管絃。臣拜稽首。天子萬年。

平滇頌有序

長洲尤 侗 悔菴

皇帝御極二十年。命大將軍貝子章泰。綏遠將軍總督蔡毓榮等。統滿漢官兵討雲南逆孽吳世璠。詔若曰。此窮寇不足膏齋斧。兵法攻城爲下。勿肉薄傷士卒。殄及平民。其築長圍困之。必自斃。自二月至於十月。城中食盡。畔衆皆譁。我師進克子城。世璠蹙自剄。僞黨開門降迎。王師以入。百姓前歌後舞。壺箪載道。或相與垂涕曰。不圖今日復爲王人見太平也。幕府上露布至京。宣捷。午門外羣臣咸拜手颺言曰。於鑠哉。此非師武臣力。繄一人如天之福。無疆惟休。蓋自三桂倡亂。八載于茲。踞滇爲窟。狡焉啓疆。竊我黔陽。陷我巴蜀。封豕長蛇。薦食三楚。波及豫章之界。蹂躪我城郭。瘡痍我人民。不寧惟是。又招八閩。勾兩粵。誘我蝨賊。以蕩搖我邊疆。東南蠢動。靡有寧宇。於是天子赫怒。禡牙誓師。大發禁旅。并良家彊騎。連營百萬。度支轉餉。半天下。舳艫牛馬。終夜有聲。鉦人伐鼓。一月三捷。大慙稔惡。天用勦絕其命。賊徒駭潰。閩越之人。震懼流汗。匍匐乞命。朝廷下制書。賜尙之信死。以尺組縛耿精忠。致闕下。二方底定。璠猶不悛。收合餘燼。自竄叢棘。孤雛腐鼠。保首領之不暇。卒取覆亡。爲萬世僇。其伏罪亦已晚矣。夫以堂堂天朝。踴躍用兵。

殲厥小醜。摧枯振落。何憂不克。然當其始也。一夫抗命。三孽連衡。若火之燎于原。不可撲滅。以皇上天威。率其股肱。心膂之臣。熊羆虢虎之佐。運籌帷幄。折衝樽俎。一戰而舉荆襄。再戰而收衡永。西師絕連雲之棧。跨劍閣。搗成都。東師破辰龍關。席捲貴竹。直抵苴蘭城下。摩旗點蒼之壘。飲馬盤龍之津。風馳電掃。谷靜山空。自征伐以來。未有驅除若斯之速者也。且滇雖一隅。僭始莊蹻。閉嵩昆明。不通中國。蒙社并有六詔。蠶食茲大。鄭趙楊干。號令三爰。終歸段氏。迨元始入版圖。明遂郡縣其地。然以世祖之雄略。潁涼西平之壯謀。加以十一總管。三宣六慰。而伯忽舍利畏造。變於前。阿資思任。搆釁於後。蠻爭觸鬪。日尋干戈。何者。夜郎不知漢大。聲教阻絕。嗜殺怙亂。其習俗然也。況叛臣教之。嘯其兇族。逆我顏行。驅市人於鋒鏑。朝箕暮斂。糜爛其室家。此邦之人。水深火熱。喁喁然延頸待救。若枯旱之望雨。今陛下義征不庭。提赤子出沸羹之中。使登衽席。繫人濮人。回首面內。胥沾闡澤。甚盛德也。雖虞帝之格苗民。殷宗之克鬼方。何以加焉。然後振旅而還。告廟獻俘。班朝飲至。勳庸銘於鼎鐘。名號昭於史冊。不其臯乎。於是天子沛然改容曰。予一人敢不荷天之寵。承祖宗三后之慶。顧自軍興。宵旰不遑。諸大夫勤勞於內。諸將士暴露於外。烽燧所至。毋乃驚懼子弟。憂患長老。其他飛莢輓粟。疲於奔命者。不可勝數。朕心閔焉。賴社稷之靈。以遏亂略。罪人斯得。庶幾息兵革。嘉與海內更始。其頒爵賞。蠲賦役。赦殊死以下。天下聞之。僉謂皇上武功赫赫。旣如彼。文命洋洋。又若此。博恩廣施。遠撫長駕。車書混一。符瑞響臻。道侔乎乾坤。德隆乎三五。雖鳴和鑾。奏

雅樂封泰山。禪梁父。夫何惡哉。小臣侗備官珥筆。退而作頌一篇。爰揚至尊之光烈。用告太師。歌以舞萬。
其辭曰。皇清受命。歷無疆。上暢九垓。下八荒。大共小球。皆來王。北至肅慎。南越裳。天子穆穆。坐明堂。載橐
弓矢。秉圭璋。蠢爾強藩。何跳梁。射天逐日。肆披猖。二豎從之。同領狂。彭彭大車。拒螳螂。吾皇一怒。威神張。
手麾白旄。掃欃槍。鑿門推轂。授斧斨。礪乃鋒刃。峙糗糧。雷輜星駟。啓戎行。勢同猛虎。驅跛羊。大首旣隕。羣
犇亡。遂挽彭蠡。廻瀟湘。蠶叢鳥道。關康莊。木瓜金筑。歸疆場。競牽鐵索。渡瀾滄。井蛙遺息。走且僵。藐如山
鬼。伏箚篁。銅鼓一鳴。魂魄喪。長鯨就戮。短狐戕。前徒倒戈。爭投降。君子小人。篚壺漿。竹王祠下。迎三郎。六
軍齊轡。臨城隍。鞭指邛笮。揮冉駹。牂牁阡陌。遙相望。碧雞書啼。金馬驤。彩雲飄颻。昆池旁。平填洱海。成田
桑。市廛不改。耨耨長。焚僮唱歌。傳白狼。翠毛象齒。貢梯航。捷書飛羽。奏明光。天顏有喜。夜未央。百工來賀。
舞且颺。帝曰。嗟咨。心如傷。賊臣不道。犯天綱。良民何辜。罹池殃。居者裹負。行羈韁。哀我人斯。亦孔將。刑獄
幾何。念桁楊。錢穀幾何。問倉箱。亟放赦令。覃恩章。后以誥命。施四方。乃開石室。紀太常。彤弓盧矢。間珮囊。
龍旂和鈴。脩革鵠。朱鷺饒吹。登廟廊。職方會同。統萬邦。王道蕩蕩。臻平康。大武止戈。佳兵藏。逝將歸馬。華
山陽。功成治定。禮樂彰。秩宗黼黻。夔笙簧。龍圖龜書。出低昂。遨遊麒麟苑。鳳凰。黑秬黃粳。兆豐穰。青芝赤
箭。呈禎祥。仰觀玉燭。俯金湯。美哉丕基。亘皇唐。宜升介丘。答穹蒼。云云。亭亭風雨翔。金泥玉檢。書輝煌。探
策占之。壽永昌。皇清受命。歷無疆。

康熙四十四年四月初九日皇上南巡駐蹕西湖行宮恩賜御書恭紀

章藻功

皇上聖由天縱見論德乃日新書仲虺之誥包九舜而出十堯沈約表應三台而乘六氣盧思道表

應三台以西巡兩儀貞觀乘六氣而東指世濟仁壽民漢禮樂志驅一世之憂以民憂子見孟時值平成書大禹謨而溺由己溺子見孟

蓋濁流未順水經注河色黃者衆川之流恐妨日作於田古擊壤歌日出而作日入而息擊井而飲耕田而食清問必勤清問下民書呂刑皇帝爰夙星

言之駕詩廊風星言夙說於桑田核水經而似多疑義按桑欽作水經酈考禹貢而慮有缺文書篇名拜颺者咋舌

而嗟書益稷皋陶拜手稽首颺言曰後漢馬援傳別無籌策前漢爰盎傳盎雖居家昏墊者剝膚之切浩浩懷山書益稷

襄陵下民昏墊易剝剝牀以膚切近災也仰藉訏謨詩大雅訏察順逆之情度高卑之勢或則疏或則濬郭璞江

九派亦既治亦既安一勞久逸班固燕然山銘茲所謂一勞地真安土洵仁者之能敦易繫辭安土敦

揚波知聖人之有在韓詩外傳成王時越裳氏重三譯而至獻白雉曰吾受命國之黃髮日久矣舳舻相屬郭

賦舳舻相屬萬里連橋疆畔其修服其縛不解於時芻飛粟輓而前使天下服芻輓粟水耨火耕而集史平準書詔

水耨令饑民得陽侯效命淮南子武王伐紂渡於孟津陽侯之波逆流一清之瑞斯徵拾遺記黃河千年一清流就食江淮間

兆姓依懷五位之飛利見易乾九五飛龍在天利見大人顧望雲就日知如神就之如日望之如雲識有喜之天顏詩天顏

有喜近而跨斗連牛浙江通志天文信無私於地載禮孔子問居天無私覆采菲葑而化被草木詩邶風采

以下體周興嗣千字文若鳥獸而信及豚魚書伊訓暨鳥獸魚鼈咸若易如彼江河自然行地見孟緣知閭闔

定是同天。張衡西京賦表曉闕於閭闔。注閭闔。天門也。紅桃夾岸如屏。輕搖彩仗。翠柳長條似帶。低拂牙檣。掃塵最好風微。淮南子令

雨師灑道。使謝朓詩澄江靜如練。澄練恰逢江靜。書明覽社珠盡光含。揚州府志。高郵覽社湖孫莘老家於湖陰夜坐。覺春

暖吳江。楓纔華吐。唐崔信明傳。信明自負。嘗矜其文謂過李百藥。鄭世翼遇信明江中。謂曰。聞公有楓落吳江冷。願見其餘。南方草木狀。楓香樹二月。華發乃著實。鴛湖過處樓中則

雨霽煙消。嘉興府志。鴛鴦湖。府城南一名南湖。建爲一方勝景。鷺嶺傳來門外則香飄桂落。宮鎖寂寥。樓觀滄海日。門對浙江

潮。桂子月中落。郭璞賦。天日山垂兩乳。萬乘雲縈。山立。萬乘雲縈。翼附鱗攀。法言。攀龍鱗。附鳳

天香雲外飄。龍飛鳳舞。長。龍飛鳳舞到錢塘。萬乘雲縈。山立。萬乘雲縈。翼附鱗攀。法言。攀龍鱗。附鳳

其不可及乎。千官花覆。杜子美詩。花覆千官淑景移。蓬山彈壓。列子。勃海之中有壑焉。其中有山。一曰岱輿。二曰員嶠。三曰方壺。四曰瀛洲。五曰蓬萊。其山高下周旋三萬里。所居之人。皆仙聖之種。

峯自此而難飛。西湖志。飛來峯界乎靈隱天竺兩山之間。晉咸和元年。西僧慧理登而歎曰。此是天竺國靈鷲山之小嶺。不知何以飛來。黍谷溫和不。

氣生。宜黍。西湖志。靈隱山之泉北出者九。一曰冷泉。固已獻芹負日。列子宋國有田夫。常衣縕屨。僅以過冬。暨春

故謂之黍谷。泉從茲而勿冷。出者九。一曰冷泉。固已獻芹負日。列子宋國有田夫。常衣縕屨。僅以過冬。暨春

續狐貉。顧謂其妻曰。負日之暄。人莫知者。以獻吾君。將有重賞。里之富室告之曰。昔人有美戎菽甘泉莖芹萍子者。欲獻

對鄉豪稱之。鄉豪取而嘗之。蜚於口。慘於腹。衆哂而怨之。子此類也。稽康絕交書。野人有快炙背而美芹子者。欲獻

之至尊。雖有區區之意。亦已疏矣。自浙西以暨浙東。按浙江屬府十一。浙東八。浙西三。即教偃草從風。見論合江南而訖江北矣。乃者昌時申

甫周翰同生。詩大雅。維申及甫。維周之翰。盛世鄒枚梁園並集。謝惠連雪賦。梁王不悅。遊于兔園。乃置旨酒。命賓友召鄒生延枚叟。會從行在。以四海爲家。天子

以京師宮室居處爲常。則當乘車輿以行天下。車輿所至奏事。皆曰行在。特召承明。前漢楊雄傳。召雄待詔承明之庭。雲出輕藍。事類賦。段氏雲藍。注段成式與溫庭筠

紙。既乏左伯之法。全無張永之功。輒分送五十枚。分給尙書之札。前漢司馬相如傳。請爲天子遊獵之賦。上令尙書給筆札。湖橫遠碧。頒來天子之題。原註四月初六

競騁。雪賦授簡於司馬大夫曰。抽子祕思。輕移雉尾。崔豹古今注。雉尾扇起於殷世。高宗時有雉尾之祥。服章多用翟尾。則御覽親評。詎落紙以如

飛。景龍文館記。中宗正月晦日。幸昆明池賦詩。羣臣應制百餘篇。帳殿前結綵樓。從臣悉集其下。須臾紙落如飛。各認

落句詞氣已竭。宋猶健舉。幸揮毫之自在。杜子美詩。朝罷香煙滿。雖風雲月露無裨賡歌。北史李諤傳。諤以時文

篇累牘。不出月露之形。積案盈箱。而甲乙丙丁。敢嫌次第。比韓柳。名遂大振。既而何冠多士。謂占第四。自以與

何齊名。耻居其下。臚傳之際。殿下有言。上顧問其姓。且也餅自大官而賜。絕勝紅綾。洛中紀異。唐僖宗幸南內

對曰。姓丁。上曰。甲乙丙丁。合居第四。復何言。故徐演詩曰。莫欺老缺殘牙齒。曾喫紅綾餅。來後漢百官志。大官令一人。本注曰。掌御飲食。果從中使而頒。頻傾赤玉。王維

百官櫻桃詩。中私心飽德。詩大雅。既醉以屬。日榮觀矧宸翰之上騰。即天章之下賚。鸞驚鳳舉。難以形容。文

使頻傾赤玉盤。私心飽德。酒既飽以德。屬日榮觀。矧宸翰之上騰。即天章之下賚。鸞驚鳳舉。難以形容。文

本本述唐太宗書勢詩。六文開玉篆。八體曜銀書。又鳳舉崩雲絕。鸞驚游霧疎。鳥頰魚頰。於何贊頌。梁元帝古跡啓。游霧重雲。傳敬禮

臺一妙以中心。晉衛瓘傳。瓘學問深博。明習文藝。與尚書若論唐初。退八體六文而北面。見上彼太宗之學

虞監。徒云戈法逼真。法書苑。唐太宗學虞監隸。每難於戈法。一日作戩字。召世南補寫。帝賞其鑒。縱逸少能追元常。梁武帝

云。子敬之不迨逸少。要是御書難得。天邊錫予。不啻路車乘馬之榮。詩小雅。君子來朝。何錫予

猶逸少之不迨元常。要是御書難得。天邊錫予。不啻路車乘馬之榮。詩小雅。君子來朝。何錫予

殊偉革和鸞之盛。詩小雅。鸞革冲冲。和臣藻功玉笋新班。唐李宗閔傳。典貢舉所取甄道。冬以日影過。方蓬池兮倖廁。李德裕詩。荷淨蓬池。繪注。唐學旋梓里以遄歸。韻府稱鄉里隔紫陌之紅塵。

買至詩。銀燭朝天紫陌長。班固。經年夢繞。隨黃童與白叟。韓昌黎文。黃童白叟。踴躍歡呼。史乘屬在廟旁。吏卒咸聞